

**DEENDAYAL ANTYODAYA YOJANA – NATIONAL URBAN LIVELIHOODS MISSION
(DAY-NULM)**

DAY-NULM hmalakna Mizoram chung a kalpuina khua te:

He Mission hi Sorkar laipui duan angin District Headquarter Town zawng zawngah kalpui a ni a, chu bakah chuan 2011 census in Census Town a puan khua ah te hmalakna kalpui a ni bawk.

Sorkar laipui phalna angin heng a hnuai a khaw 15 ah hian DAY-NULM hi mipui tan chhawpchuah mek a ni a, District Headquarter Towns tih loh Census Towns zawng zawngah hian Staff indaih tawh lohna avangin DAY-NULM hnuai hmalakna zawng zawng erawh kalpui an nilo thung a ni.

Sl.no	District	District Headquarter Town	Census Town
1	Aizawl	Aizawl	-
2	Champhai	Champhai	-
3	Lunglei	Lunglei	-
			Tlabung
4	Kolasib	Kolasib	Kawnpui
			Vairengte
5	Serchhip	Serchhip	Thenzawl
6	Mamit	Mamit	-
7	Lawngtlai	Lawngtlai	-
8	Siaha	Siaha	-
9	Saitual	Saitual	-
10	Khawzawl	Khawzawl	-
11	Hnahthial	Hnahthial	-

He Mission hi khawpuia cheng khawsak harsa zawkte tan a duan anih angin tun dinhmunah hamthatna dawngtu tur te thlan chuah nan Government of Mizoram buatsaih "BPL Baseline Survey 2016" chu hman mek a ni.

DAY-NULM in mipui tana hamthatna tur hmalakna a kalpui mek te:

- Social Mobilisation & Institution Development (SM&ID):** Khawpui a cheng BPL chungkua atangin nu pakhat zel te Self Help Group (SHG) member nih tir a, Self Help Movement hmanga chungkaw harsa zawk te chhawmdawl tum a ni.
 - SHG hi mi paruk chinin an din thei a

- Mi 6 zing a 70% erawh chu BPL an ni tur a ni
- SHG thla 3 aia upa tawhte tan Revolving Fund (Sum peipun tur) Rs 10,000.00 theuh DAY-NULM in a pe thin.
- SHG te hian DAY-NULM hnuai SHG tana Interest subsidy loan an dil thei.
- SHG te hi anmahni zawm khawmtu pawl Area Level Federation (ALF) leh City Level Federation (CLF) a hlawnkhawm chhoh zel tum a ni bawk.
- ALF te hi State chung a Dan remchang ber hnuai a ziah luh tur an nih avangin Firms & Society hnuai leh Co-operative society hnuai ziah luh mek an ni.
- Tun dinhmunah, SHG te enkawl tur hian NGO panga (5) thawhpui mek an ni.
- SHG a tel te hi a huhova sum peipun dan zirtir an nih bakah, Nu in mahni inchhung atanga sum dehchhuah theihna chi thiamthil zirtir thin an ni bawk.
- SHG member te hi Bank Account nei theuh tur leh Sorkar laipui buatsaih Insurance policy man tlawn ho te hmang tangkai thin tur a zirtir an ni bawk.
- City Livelihood Centre (CLC) khawpui tin ah din tum a ni a. He hmun ah hian a mipui ten Office dawr kher lo pawh a UD&PA hmalakna hrang hrang an lo hriat theih nan leh SHG ten an thiamthil dehchhuah te mitin lei theih a an phochhuah theihna tur a ruahman tum a ni.
- Self Help Group (SHG) te an meeting hun a meeting pui thin tur leh DAY-NULM hnuai zirtirna hrang hrang zirtirtu atan Resource Organization (RO) rawih an ni a. Aizawl chung a SHG te tan Codnerc, , Opendoors leh Zoram Entu Pawl (ZEP) te rawih thin an ni. Mamit chung a SHG te tan Centre for Peace and Development (CPD) te rawih thin an ni. Kolasib chung a SHG te tan Opendoors rawih thin an ni. Lunglei, Lawngtlai leh Siaha chung a SHG te tan World Vision India: Chhimtuipui ADP rawih thin an ni. Serchhip chung a SHG te Goodwill Foundation rawih thin an ni a. Tun dinhmunah Champhai chung a SHG te tan Resource Organization rawih an ni lova, Community Organizer (CO) ten an enkawl a ni.

2. **Employment through Skill Training & Placement (ESTP):** Khawpuia thalai eizawna tlak hna neilo te tan a eizawna tlak thiamthil a thlawn a zirtirna kalpui mek a ni bawk.

- National Skills Qualification Framework (NSQF) hnuai a Skill Development Course awm te chauh hman a ni.

- Hei vang hian heng course zirtir thei National Skill Development Corporation (NSDC) hnuaia inziak lut leh SMART Accredited Training Centre nei, Skill Training Provider (STP) te chauh UD&PA Department in a thawhpui thei a ni.
- Heng STP te hian anmahni ta nilo, pawnlam mi Training Centre hman chhawn leh phal a ni lo.
- Skill Training hian Class a inzirtirna (Practical & Theory) bakah Assessment, Certification leh Job placement a huam a ni.
- Pianphung a rualbanlo te tan a 5 percent leh hmeichhia te tan 30 percent reservation kalpui a ni bawk.

3. **Self Employment Programme (SEP):** Khawpui chung a cheng mahni a eizawna tenau din duh te tan Bank kaltlang a sum lama tanpui dan kawng zawn hi DAY-NULM hmalakna pakhat a ni. DAY-NULM kal tlang a Bank loan la te hi an loan rulh tur a Bank in a pung an tuk sak zat atang chhut a za a pasarih (7%) chunglam zawng chu DAY-NULM in a rulh sak thin a. Chumi awmzia chu DAY-NULM kaltlang a Bank Loan dil a, hmu te chuan Loan Interest (Loan puk punna) an rul tem bik tihna a ni.

- Mimal Loan dilin Cheng Nuaih hnih (Rs 2 lakhs) thleng a dil thei.
- Mi 5 -10 in tel khawm (Group) in Group Loan Cheng Nuaih 10 thleng a dil thei.
- DAY-NULM hnuaia Self Help Group(SHG) ten SHG-Bank Linkage Loan an dil thei bawk a. An SHG sumkhawl atanga chhut a a let li (4) thleng Loan hi a dil theih.
- Heng Loan pathum te hmang a Loan la reng reng chu interest rate 7% aia a tamna zawng chu DAY-NULM in a rulhsak dawn a.
- Hmeichhe hlang SHG ten SHG Bank Linkage Loan an lak an rulh that chuan, an rulh zawh ah Bank hnen a interest rate 7% an va rulh tawhna atanga chhutin interest rate 3% hu chu DAY-NULM in and SHG Bank Account ah a chhun luh sak leh bawk ang.
- DAY-NULM hnuaia SHG te tan a he hmalakna that bikna chu, DAY-NULM hnuaia SHG an nih avang hian Loan engzat pawh Bank ah la se, an loan lak hi interest rate 4% aia tam in an rulh let a ngai ve lo tihna a ni.
- Group loan leh SHG Bank linkage Loan hi thil in ang a nilo a ni.
- Group Loan chu SHG ni kher lo mi 5-10 in tel khawmin an dil thei a, SHG Bank Linkage Loan chu DAY-NULM hnuaia SHG in din leh in register te chauh in an dil thei.

- Pianphung a rualbanlo te tan a 3 percent reservation kalpui a ni a, chu mai bakah PM 15 point programme hnuaiah Minority te tan 15 percent reservation kalpui a ni bawk.
- SEP hnuai a loan latute zingah hian hmeichhia 30 percent tal an awm ngei ngei a ngai bawk.
- SEP Loan hi dilna hawn anih lai a dilna thehlut tute chu Task Force Committee in Interview an neih pui thin a, he Interview ah hian Loan diltu te chu Bank Managers ten an endik thin a ni.
- SHG tan bik erawh Resource Organizer ten SHG Bank Linkage Grading an neih hnu ah kumtluanin Loan dilna Office lamah a thehluh theih a.
- Task Force Committee in Interview hmanga an thlan chhuah te chu Entrepreneurship Development Programme (EDP) Training buatsaih sak thin an ni.

4. **Support to Urban Street Vendors (SUSV):** Khawpui chung a Kawthler a thilzuarthe Dan hmanga an himna tur ngaihtuah leh enkawl hi DAY-NULM thil tum leh hmalakna kal mek a ni.

- The Mizoram Street Vendor (Protection of Livelihood & Regulation of Street Vending) (Repeal) Act, 2017, The Mizoram Street Vendor (Protection of Livelihood & Regulation of Street Vending) Rules, 2017 leh The Mizoram Street Vendor (Protection of Livelihood & Regulation of Street Vending) Scheme, 2017 te chu neih fel tawh a ni.
- Heng Dan te hian Autonomous District a huam loh avangin SUSV hi Lawngtlai leh Siaha City Mission Management Unit ten hma an la ve lo.
- Aizawl bik atan SUSV hi Aizawl Municipal Corporation (AMC) in an kalpui a ni.
- Kawthler a thilzuarthe (Street Vendors) hi Survey neiin, ID Card leh License pek thin tur an ni.
- Khawpui chung a thil zawrh phalna leh phal lohna thliar fel turin City Street Vending Plan buatsaih vek tur a ni.
- Thilzawrhna hmun him, hrisel leh thianghlim a awm theih nan Market Development Project hmangin DAY-NULM chuan pavement, tui connection, Tuizem, Toilet leh bungraw dah khawmna te a buatsaih sak a ni.
- Skill Training te, Dan leh Dun in zirtirna Training te leh Financial Literacy Camp te buatsaih thin a ni a.
- DAY-NULM kal tlang a Bank Loan mamawhte pawh Bank Loan an hmuh theih nan tanpui thin an ni bawk.

- Kum tin DAY-NULM hnuai a Central atanga pawisa dawn 5% hi SUSV ah hmang ngei tur a ruahmanna siam thin a ni.

5. **Scheme of Shelter for Urban Homeless (SUH):** DAY-NULM hian a ngaih pawimawh berte zing a pakhat chu Khawpuia a mirethei in leh lo neih zawh loh avanga kawthler a riak thin te tan a riahna tur hmun buatsaih a ni.

- Mizoramah chuan Kawthler a riah ngai khawp a khawsak harsa kan awm ve loh avangin Project Sanctioning Committee, Mizoram thurel angin De-addiction Home hrang hrang, Old Age Home leh Children's Home ah te hmalakna neih a ni.
- SUH hmang hian heng Home kan tarlan ah te hian Building thar sak, Building hlui thawm that leh nitin khawsak nan a mamawh dangte pek thin an ni.
- Shelter tinah he Mission in a duan angin mipakhat tan a 50 sq ft hmun a awm ngei theih nan Building thar sak leh a hlui thawm that thin an ni.
- Hospital hnaivai ah Hospital rawn pantu damlo chungte chawlh hahdamna tur In sak phalsak kan nih angin Hospital ram ah in sak thin a ni a. Tun dinhmun ah State Referral Hospital leh State Cancer Hospital ah te sak zawh tawh a ni a. Mamit District Hospital ramah sak tan thuai tum a ni bawk.
- 3rd Party Urban Homeless Survey, 2018 a neih hmang a hmuhchhuah De-addiction Home leh Old Age home a awm, chungte belh tur chuang neilo mi 425 te tan Operation & Maintenance (O&M) fund Rs 12,000.00 mi pakhat zel tan kum 2022 thleng kum tin pek tum a ni.